

Pri Vēntuos

A to Vēntuos bepasiilgsti?
Aš – ta nē. I nesupronto,
A ta opēs tēik pasikēitē,
A kas muni pagadēna.
Kap i pērmiau, tīkos ondou,
Pašalē apžielē tonkē.
Kap i seniau, linksmas blēzgēs
Blīkčiuo saulie kap ognelēs.
Kap i toukart, beržā baltē
Švēit i undinie, i dongou,
Tiktā šērdēs šēndēin neplazd
Nu poikoma i nu griaudoma.
Ondou dabar bier tik ondou,
Kad i kāp ons rēbolioutom:
Niekor nebvilioo i nebšauk,
Kap jaunīstie ka liūb šauks.
Liūb sakīs, ka Vēnta – švēnta.
Kažēn, a besaka kas šēndēin?
Je sakītom, – nebtikiečiuo:
Gal i be anuos gīventē.

2004-08-26